



Godina XII - Broj 6

ZENICA, Petak, 30.03.2007.

SKUPŠTINA**49.**

Na temelju članka 37. stavak 1. točka f) Ustava Zeničko-dobojskog kantona, Skupština Zeničko-dobojskog kantona na 4. sjednici održanoj dana 14.03.2007. godine, donijela je:

ZAKON

o izmjenama i dopunama Zakona o kantonalnim ministarstvima i drugim tijelima kantonalne uprave

Članak 1.

U članku 1. Zakona o Kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 15/04) (u daljem tekstu: Zakon), riječ "ustanove" zamjenjuje se riječju "organizacije".

Iza stavka 1. dodaje se stavak 2. koji glasi:

"U svim ostalim glavama, poglavljima i člancima zakona, riječ "ustanove" zamjenjuje se riječju "organizacije" u odgovarajućem padežu".

Članak 2.

U članku 4. iza riječi "ustanovama" dodaju se riječi (u daljem tekstu: tijela).

Iza stavka 1. dodaje se stavak 2. i 3. koji glasi:

"Tijela iz stavka 1. ovog članka odražavat će ravnopravnu zastupljenost spolova.

Sve imenice, koje se odnose na nazive rukovoditelja kantonalnih organa uprave i kantonalnih upravnih organizacija, na državne službenike i namještenike sadržane u ovom zakonu samo u muškom rodu, odnose se na oba spola."

Članak 3.

U članku 7. u stavku 2. tekst "...Kantonalnog zakona o upravi i drugih kantonalnih zakona koji se odnose na službenike i namještenike..." se briše.

Iza stavka 2. dodaje se stavak 3. i 4. koji glase:

"Ministarstvo za pravosuđe i upravu vrši poslove davanja mišljenja o usklađenosti zakona i drugih propisa koje donosi Skupština Kantona, Vlada Kantona i rukovoditelji kantonalnih organa uprave sa Europskom i konvencijom o zaštiti ljudskih prava i osnovnih sloboda i drugim instrumentima za zaštitu ljudskih prava koji imaju snagu ustavnih odredaba i druge upravne poslove koji ne spadaju u djelokrug organa uprave Kantona.

Vlada Kantona će podzakonskim aktom utvrditi postupak davanja mišljenja Ministarstva na akte iz stavka 3. ovog članka".

Članak 4.

U članku 19. stavak 1. iza točke "1" dodaju se nove točke "2. i 3., koje glase:

" 2. Kantonalni zavod za pravnu pomoć

3. Kantonalni zavod za urbanizam i prostorno uređenje",

Iza stavka 2. dodaje se stavak 3., 4. 5. i 6. koji glase:

Kantonalni zavod za pravnu pomoć (u daljem tekstu: Zavod za pravnu pomoć) obavlja poslove davanja usluga isključivo osobama lošeg imovnog stanja u vidu davanja pravnih savjeta, sastavljanja različitih pravnih podnesaka (tužbe, molbe, zahtjevi, predstavke, prigovori, žalbe i dr.), sastavljanje raznih isprava (ugovori, testamenti i dr.), zastupanje stranaka u svim parničnim, upravnim i ostalim postupcima pred sudovima i ostalim organima Zeničko-dobojskog kantona, obrana i zastupanje u kri-

vičnom postupku, pružanje i drugih oblika pravne pomoći fizičkim osobama kako bi se zaštitila njihova prava i interesi.

Ministar za pravosuđe i upravu donijet će Pravilnik kojim će se regulirati uvjeti i načini pružanja besplatne pravne pomoći osobama lošeg imovnog stanja.

Kantonalni zavod za urbanizam i prostorno uređenje (u daljem tekstu: Zavod) obavlja poslove nositelja izrade razvojnih planova (prostornog, urbanog, ekonomskog i drugog razvoja), izrađuje i implementira strategiju razvoja Kantona, koordinira i učestvuje u pripremi i praćenju projekta obnove i razvoja Kantona, kao i promocija Kantona, osigurava naučne i druge podloge za ostvarivanje Ustavom utvrđenih djelokruga Kantona iz oblasti prostornog uređenja, vrši poslove nositelja izrade provedbenih planova i pripremanja propisa koji su sastavni dio plana, obavlja poslove izrade smjernica i programa aktivnosti za izradu provedbenih planova, obavlja poslove stručno-tehničke pripreme za izradu godišnjeg programa za donošenje prostorne i urbanističke dokumentacije, učestvuje u pripremi propisa iz oblasti prostornog uređenja (zakona i podzakonskih akata), daje stručna mišljenja u postupku odobravanja građenja za potrebe općina sa područja Kantona, obavlja poslove izrade prostornih planova područja posebnih obilježja, te urbanističkih planova administrativnog centra, obavlja poslove izdavanja časopisa i periodičnih publikacija iz oblasti prostornog uređenja i urbanizma, vrši poslove površinskog i dubinskog ispitivanja terena za gradnju, obavlja poslove savjetovanja i ponude programske opreme (softvere), vrši poslove upravljanja bazama podataka, obavlja poslove arhitektonske i inženjerske djelatnosti i tehničko savjetovanje, uređuje ostala pitanja vezana za prostorno uređenje i urbanizam.

Zavod ima status pravne osobe.

Članak 5.

U članku 25. stavak 2. mijenja se i glasi:

„Pravilnik o unutarnjoj organizaciji izrađuje se i donosi na način utvrđen Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i drugim propisima koji se odnose na izradu i donošenje pravilnika“.

Članak 6.

Članak 25 a. briše se.

Članak 7.

Stupanjem na snagu ovog zakona, prestaje da važi Zakon o kantonalmom zavodu za pravnu pomoć („Službene novine Zeničko-dobojskog kantona“, broj: 5/05) i Zakon o osnivanju Kantonalnog zavoda za urbanizam i prostorno uređenje („Službene novine Zeničko-dobojskog kantona“, broj: 8/05).

Članak 8.

Zakon stupa na snagu osmog dana od dana objave u „Službenim novinama Zeničko-dobojskog kantona“.

Broj: 01-02-6068/07

PREDSJEDAVAJUĆI

Zenica, 15.03.2007. godine

Sejad Zaimović, s.r.

50.

Na temelju članka 103. Poslovnika Skupštine Zeničko-dobojskog kantona («Službene novine Zeničko-dobojskog kantona», broj 4/05), Skupština Zeničko-dobojskog kantona, na 4. sjednici, održanoj 14.03.2007. godine, donijela je:

DEKLARACIJU

I

Skupština Zeničko-dobojskog kantona izražava nezadovoljstvo zbog sporosti u reformi fiskalnog sustava Federacije Bosne i Hercegovine, naročito u domenu izravnih poreza.

II

Skupština Zeničko-dobojskog kantona traži od mjerodavnih organa Federacije Bosne i Hercegovine i države Bosne i Hercegovine žurno pokretanje procesa ujedinjavanja osnovnih uvjeta za poslovanje privrednih subjekata na cjelokupnom teritoriju Bosne i Hercegovine.

III

Skupština Zeničko-dobojskog kantona će poduzeti sve neophodne akcije iz svojeg djelokruga kako bi Zeničko-dobojski kanton učinila najpoželjnijom regijom za pokretanje i vođenje poduzetništva.

IV

Deklaracija će biti objavljena u «Službenim novinama Zeničko-dobojskog kantona».

Članak 1.

Broj: 01-14-6075/07

Datum, 15.03.2007. godine **PREDSJEDAVAJUĆI**
Zenica *Sejad Zaimović, s.r.*

51.

Na temelju članka 110 stavak 1. točka 1. Izbornog zakona Bosne i Hercegovine («Službeni glasnik BiH», broj: 23/01, 7/02, 9/02, 20/02, Ispravak 25/02, 4/04, 20/04, 25/05, 52/05, Ispravak 65/05, 77/05, 11/06 i 24/06), Skupština Zeničko-dobojskog kantona na 4. sjednici održanoj 14.03.2007. godine, **d o n i j e l a j e:**

O D L U K U

o prestanku mandata zastupnika

Članak 1.

Mandra Nerminu, prestaje mandat zastupnika sa 16.02.2007. godine, zbog podnošenja ostavke.

Članak 2.

Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-01-6074/07

Datum, 15.03.2007. godine **PREDSJEDAVAJUĆI**
Zenica *Sejad Zaimović, s.r.*

VLADA

52.

Na temelju članka 16. stavak 2. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), Vlada Zeničko-dobojskog kantona, na 1. sjednici održanoj 26.02.2007. godine, **d o n o s i**

O D L U K U

o određivanju potpisnika naloga platnih transakcija putem depozitnog i transakcijskog računa otvorenog kod IKB D.D. Zenica

Vlada Zeničko-dobojskog kantona za potpisnike naloga platnih transakcija putem depozitnog i transakcijskog računa otvorenog kod IKB D.D. Zenica, određuje:

1. **Miralema Galijaševića**, premijera Zeničko-dobojskog kantona
2. **Mirsada Šaranovića**, ministra Ministarstva financija
3. **Nermina Mandru**, ministra Ministarstva za prostorno uređenje, promet i komunikacije i zaštitu okolice.

Članak 2.

Za zamjenike potpisnika naloga platnih transakcija putem depozitnog i transakcijskog računa iz članka 1. ove odluke, određuju se:

1. **Fahrudin Omerhodžić**, ministar Ministarstva za gospodarstvo,
2. **Nada Delibašić**, pomoćnik ministra za Trezor u Ministarstvu financija.

Članak 3.

Donošenjem ove odluke stavlja se van snage Odluka o potpisnicima naloga platnih transakcija putem depozitnog i transakcijskog računa otvorenog kod IKB DD Zenica („Službene novine Zeničko-dobojskog kantona“, broj 2/06).

Članak 4.

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-5781/07

Datum, 26.02.2007. godine
Zenica

PREMIJER
Miralem Galijašević, s.r.

OGLASNI DIO**OPĆINSKI SUD U ZAVIDOVIĆIMA**

Broj: P-303/99-Z

Zavidovići, 19.03.2007. godine

Općinski sud u Zavidovićima, sudkinja Muhić Hava, u pravnoj stvari tužitelja Općina Zavidovići, koju zastupa Općinski pravobranitelj Fazlić Dženana, protiv tuženih: 1. Neimarlija Fahrije iz Zavidovića, ul. Zlatnih ljljana bb, trenutno nepoznatog boravišta i 2. TD „Centar“ d.d. Zavidovići, koga zastupa Mustafić Tifa, zaposlenica tuženog, radi utvrđivanja ništavosti ugovora v.s. 15.000,00 KM, donio je dana 19.03.2007. godine, slijedeće:

R J E Š E N J E

Tuženom Neimarlija Fahriji, nepoznatog boravišta postavalja se za privremenog zastupnika advokat Kalabić Uzeir iz Zavidovića.

Privremeni zastupnik će zastupati tuženog u postupku sve dok se tuženi ili negov punomoćnik ne pojave pred sudom. Odnosno dok organ starateljstva ne obavijesti sud.

O b r a z l o ž e n j e

Tužitelj je ovom sudu dana 20.8.1999. godine podnio tužbu protiv tuženog, radi utvrđivanja ništavosti ugovora.

Postupajući po tužbi, sud je tuženom Neimarlija Fahriji dostavio tužbu na odgovor, a na dostavnici je konstatirano da tužba nije uručena, jer se tuženi nalazi u Francuskoj.

Kako je boravište tuženog nepoznato, a postupak oko postavljanja zakonskog zastupnika trajao bi dugo, tako da bi mogle nastati štete i posljedice za tužitelja, sud je na prijedlog zastupnice tužitelja, tuženom Neimarlija Fahriji, shodno odredbi čl. 296 st. 2 točka 4 u vezi sa čl. 297. FBiH donio rješenje kao u dispozitivu.

*Sudkinja
Muhić Hava, s.r.*

Sadržaj**SKUPŠTINA**

49. Zakon o izmjenama i dopunama Zakona o kantonalnim ministarstvima i drugim tijelima kantonalne uprave	63
50. Deklaracija broj:01-14-6075/07 od 15.03.2007. godine.....	64
51. Odluka o prestanku mandata zastupnika	65

VLADA

52. Odluka o određivanju potpisnika naloga platnih transakcija putem depozitnog i transakcijskog računa otvorenog kod IKB D.D. Zenica.....	65
--	----

OGLASNI DIO.....	66
-------------------------	-----------

Izdavač: Zeničko-dobojski kanton, ul. Kučukovići br. 2, Zenica
v.d. glavni i odgovorni urednik: Željka Marković - Sekulić, **Telefon:** 032/444-820;
Redakcija i pretplata: 032/407-424; **Tisak:** "Meligraf" Zenica